

INUIT ATAQATIGIIT INATSIARTUNI



UKA24/76

23/10

Lars Salik Henningsen Kielsen

Peqatigiiffiit kattuffiillu suugaluartulluunniit, nammineq kajumissutsimik

ingerlanneqartuni aningaasanik katersuiniarneranni nipilersortartunik

Namminersorlutik Oqartussaniit tapiiffigineqarlutik tikisitsisinnaaneratt pillugu

Naalakkersuisut piareersaateqaqqullugit peqquneqarnissaannik Inatsisartut

aalajangiiffigisassaattut siunnersuut.

(Inatsisartunut ilaasortaq Doris Jacobsen Jensen, Siumut)

Oqaaseqaat:

Inuit Ataqatigiinni nuannaarutigarpuit aningaasanut inatsimmi 2019-mi isumaqatiginniniarnikkut timersoqatigiiffiit katersuiniarnissaminut suliniuteqarnissaanut kiisalu nipilersortartut aamma ingerlaartuarnissaanut aningaasaliisoqartalernissaanut tunngasoq angusatta ilaa ilalerumaneqarmat. Inuit Ataqatigiinniit isumaqarpugut aalajangiiffissatut siunnersuut Peqatigiiffilerisunut kattuffilerisunullu siammassinnerusumik aammalu nunatsinni nipilersortartunut suliassaqarluortoqarnissaanut tikkuuseqataalluinnassasoq, aammalu nipilersortartut kulturikkut susassaqartitsisuummata pinaveersaartitseqataalluinnartullu aamma ilagisarmagit Inuit Ataqatigiinniit ilalerluarsinnaavarput. Tassami maanna tusarsaasalerpoq illoqarfiit qangaanerusoq uummaarissut maanna 'toqujartortutut' isikkoqalersimasut.

INUIT ATAQATIGIIT INATSISARTUNI



Illoqarfiit ilaanni timersornikkut suliaqartut takussaasalersimapput meeqqanut inuusuttunullu pinaveersaartitsinermut suliaqallattaasalersimasut, tamanna qujanartaqaaq. Inuit Ataqatigiinnilu isumaqarpugut peqatigiiffilerisut kattuffinnilu suliaqartut timersornerinnaangikkaluartunut aamma susassaqartitseqataanertik maanna killeqartoq periarfissinnissai anguniartariaqaripput, susassaqartitsinermullu suliaqartut tassaasarmata aamma nipilersortartunut siuarsaaqataalluinnartut. Taamaalilluta aamma Meeqqanut Inuusuttunuinnaangitsoq inersimasunut utoqqarnut periarfissiilluinnassasut isumaqarpugut. Ilaatigut uunga siunnersuutip Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq akissuteqaataanut aningaasartaanut tunngasutigut ataatsimiisitaliaq susassaqartoq qulaajarluarneqarnissaa aammalu peqatigiiffiit kikkorpiaat pineqarnermut ataatsimiisitaliami qulaajarluarneqarnissaa Inuit ataqatigiinni qulakkiissaagaat isumaqarpugut.

Taamatut oqaaseqarluta siunnersuut ataatsimiisitaliamut susassaqartumut suliarilluarneqarnissaanut ingerlateqqipparput.